

古今律曆考

危

卷二十六	歷代日食七	卷二十七	歷代日食八	卷二十八	佛藏道藏
------	-------	------	-------	------	------



古今律曆考卷二十六 歷代日食七

日食 陝西副憲安肅邢雲路輯徵士滿城魏文魁訂

吳五 陝西岳伯汝州張維新郡守漢陽王維祐

五月 陝西副憲遷安徐雲達令尹麻城滿朝薦 校

五 歷代日食曆日

宋 南渡

高宗建炎三年即金太宗天會七年己酉歲九

月丙午朔日食

九月交二十六日七五



古今律曆考卷三十一  
九月朔四十二日四一丙午巳時

是九月丙午朔巳時日食

紹興五年即金天會十三年乙卯歲正月乙巳

朔日食金書丙午朔

正月交一十四日一七

正月朔四十一日四五乙巳巳正四刻合朔

是正月乙巳朔巳正四刻食甚金書丙午非宋

日官言虧在辰正常州布衣陳得一言虧在巳

初今推巳正四刻食甚則虧在巳初得一為是

紹興七年即金天會十五年丁巳歲二月癸巳

朔日食金無

推是年二月交泛二十日不應食金無是

紹興十三年即金皇統三年癸亥歲十二月癸

未朔日食霧雲不見秦檜率百官稱賀

十二月交二十六日六

十二月朔一十九日二二癸未卯時

推是年十二月癸未朔卯時日食夫既食矣秦

奸之賀何為哉史稱八年至十二年日食多在



古今律曆考卷三十一  
夜史官蒙蔽不書夫從古夜食不書安得謂史官蒙蔽此不知天之論也

紹興十五年即金皇統五年乙丑歲六月乙亥朔日食

六月交一十三日九

六月朔一十一日三八乙亥巳時

是六月乙亥朔巳時日食

紹興十七年即金皇統七年丁卯歲十月辛卯朔日食金無

十月交二十六日七

十月朔二十七日七八辛卯酉正刻

是十月辛卯朔酉正刻日食十月酉正刻日入矣雖見食不多

紹興十八年即金皇統八年戊辰歲四月戊子

朔日食霧雲不見

四月交一十三日四

四月朔二十四日五三戊子午時

是四月戊子朔午時日食



紹興十九年即金皇統九年己巳歲三月癸未朔日食陰雲不見

三月交一十四日

三月朔一十九日二一癸未卯時

是三月癸未朔卯時日食

紹興二十四年即金廢主亮真元二年甲戌歲

五月癸丑朔日食霽雲不見

五月交二十六日三四

五月朔四十九日二一癸丑卯時

是五月癸丑朔卯時日食

紹興二十五年即金真元三年乙亥歲五月丁

未朔日食霽雲不見

五月交二十六日九五

五月朔四十三日二二丁未卯時

是五月丁未朔卯時日食

紹興二十八年即金正隆三年戊寅歲三月辛

酉朔日食霽雲不見始降詔免賀猶宣付史館

金候之不見



三月交二十六日四五

三月朔五十七日二二辛酉卯時

是三月辛酉朔卯時日食雲陰免賀宣付史館  
是爲得之

紹興三十年卽金正隆五年庚辰歲八月丙午  
朔日食

八月交一十四日三七

八月朔四十二日四七丙午午時

是八月丙午朔午時日食

紹興三十一年卽金正隆六年辛巳歲正月甲  
戌朔日食太史言日當食而不食帝不受朝金  
無

正月交二十五日九六

正月朔一十日二一甲戌卯初三刻

推是年正月甲戌朔卯初三刻合朔正月日出  
卯正三刻此猶未出也况交泛不及二十六日  
卽食分數亦少則未明復圓矣金不書是太史  
上言日當食而不食占人君修德罪已察姦禮



古今律曆考卷三十六  
五  
賢寬恩布德上動於天則有食而不食是說出  
何故典帝不受朝史官當知愧矣

紹興三十二年卽金世宗大定二年壬午歲正  
月戊辰朔日食

正月交二十六日五七

正月朔四日五二戊辰午時

是正月戊辰朔午時日食金伐鼓用幣凡遇日  
月虧食禁酒樂屠宰一日夫伐鼓用幣禮也宋  
用牲於社反不如夷狄之有禮矣完顏世宗其

亦賢乎

孝宗隆興元年卽金大定三年癸未歲六月庚  
申朔日食

六月交一十三日八七

六月朔五十六日六九庚申申時

是六月庚申朔申時日食

隆興二年卽金大定四年甲申歲六月甲寅朔  
日食雲雲不見

六月交一十四日四八



六月朔五十日七甲寅申時

是六月甲寅朔申時日食

乾道三年即金大定七年丁亥歲金書四月戊

辰朔日食宋無金主避正殿減膳伐鼓應天門

內百官各於本司庭立明復乃止

四月交一十三日九九

四月朔四日六七戊辰申時

是四月戊辰朔申時日食宋漏金避殿減膳伐

鼓於朝百官庭立禮也

乾道五年即金大定九年己丑歲八月甲申朔

日食霽雲不見

八月交二十六日八

八月朔二十日四四甲申巳時

是八月甲申朔巳時日食

乾道九年即金大定十三年癸巳歲五月壬辰

朔日食霽雲不見

五月交二十六日九

五月朔二十八日五壬辰午時



是五月壬辰朔午時日食

淳熙元年即金大定十四年甲午歲十一月甲申朔日食露雲不見

十一月交一十四日二十二

十一月朔二十日六二甲申未時

是十一月甲申朔未時日食

淳熙三年即金大定十六年丙申歲三月丙午

朔日食露雲不見少選雲退微缺時有自北虜

回者見食

三月交二十六日四二

三月朔四十二日四九丙午午時

是三月丙午朔午時日食

淳熙四年即金大定十七年丁酉歲九月丁酉

朔日食露雲不見

九月交一十三日七二

九月朔三十三日一一丁酉丑時

推是年九月丁酉朔丑時夜食不書

淳熙十年即金大定二十三年癸卯歲十一月



壬戌朔日食

十一月交二十六日六五

十一月朔五十八日四二壬戌巳時

是十一月壬戌朔巳時日食

淳熙十五年即金大定二十八年戊申歲八月

甲子朔日食

八月交一十六刻

八月朔四十九刻甲子午時

是八月甲子朔午時日食

淳熙十六年即金大定二十九年巳酉歲二月

辛酉朔日食霧雲不見

二月交一十四日

二月朔五十七日四四辛酉巳時

是二月辛酉朔巳時日食

寧宗慶元元年即金章宗明昌六年乙卯歲三

月丙戌朔日食

三月交二十六日九九

三月朔二十二日四九丙戌午時



古今律曆考卷之九  
是三月丙戌朔午時日食

慶元四年卽金承安三年戊午歲正月己亥朔  
日食霽雲不見綱目無

正月交二十六日四九

正月朔三十五日二五己亥卯時

是正月己亥朔卯時日食綱目漏

慶元五年卽金承安四年己未歲正月癸巳朔  
日食霽雲不見金與綱目無

正月交二十七日一

正月朔二十九日六四癸巳申時

是正月癸巳朔申時日食金與綱目漏

慶元六年卽金承安五年庚申歲六月乙酉朔  
日當食太史言夜食不見是日霽雲金史無金  
有十一月癸丑日食

六月交一十四日四一

六月朔二十一日一七乙酉寅時

十一月交二十六日

十一月朔四十九日四三癸丑巳時



推是年六月乙酉朔寅正初刻合朔日食則日未出已復圓矣是日臨安霽雲不見金史不書食是其十一月癸丑朔巳時日食則金書是宋漏

嘉泰二年即金大和二年壬戌歲五月甲辰朔日食

五月交一十三日三

五月朔四日四九甲辰午時

是五月甲辰朔午時日食

嘉泰三年即金太和三年癸亥歲四月巳亥朔日當食而太史局言日體圓明不見虧分凡言

不見虧分者食不及一分也金史不書是食

四月交一十三日九二

四月朔三十五日一九巳亥卯時不見

推是年四月巳亥朔寅正刻日食則日出將復

圓少見其虧耳故宋史云不見虧分者不及一

分也金史不書亦以虧少即今三分以下不救

之意



古今律曆考卷三十一  
開禧二年即金泰和六年丙寅歲二月壬子朔  
日當食太史言不見虧分限全三合必不虧  
二月交一十三日四又云不見限分皆不虧  
二月朔四十八日七三壬子酉時限日光雖虧  
是二月壬子朔酉時日食太史云不見虧分然  
金史書食想原食也

嘉定二年即金主永濟大安元年己巳歲金書  
十二月辛酉朔日食宋無  
推是年十二月庚申朔亥時夜食不書金非

嘉定三年即金大安二年庚午歲六月丁巳朔  
日食金無

六月交二十三刻

六月朔五十三日二五丁巳卯時

是六月丁巳朔卯時日食金漏

嘉定四年即金大安三年辛未歲十一月己酉  
朔日當食太史言不見虧分半甲子太史言不見虧

十一月交一十四日七五

十一月朔四十五日四一己酉巳時



推是年十一月己酉朔巳時日食是日不見虧分是為日度失行

嘉定七年即金宣宗貞祐二年甲戌歲九月壬戌朔日食金書大星皆見

九月交一十四日二

九月朔五十八日四六壬戌午時

是九月壬戌朔午時日食

嘉定九年即金真祐四年丙子歲二月甲申朔

日食金又書閏七月壬午朔日食

二月交二十六日四

二月朔二十日六二甲申未時

閏七月交一十三日一七

閏七月朔一十八日二九壬午卯時

推是年二月甲申朔未時日食閏七月壬午朔

卯時日食宋漏閏七月

嘉定十年即金興定元年丁丑歲七月丙子朔

日食

七月交一十三日七



七月朔一十二日四九丙子午時

是七月丙子朔午時日食

嘉定十一年卽金興定二年戊寅歲七月庚午朔日食一分其日正午或見或不見太史局言是爲陽盛陰微日體不虧綱目無

七月交一十四日三

七月朔六日四九四庚午午時

是七月庚午朔午時日食宋史云食一分一分不救

嘉定十四年卽金興定五年辛巳歲五月甲申朔日食

五月交一十三日八

五月朔二十日二七甲申卯時

是五月甲申朔卯時日食

嘉定十六年卽金元光二年癸未歲九月庚子朔日食

九月交二十六日六

九月朔三十六日四七庚子午時



古今律曆考卷三十一  
是九月庚子朔午時日食

理宗寶慶三年即金正大四年丁亥歲六月戊申朔日食金無

六月交二十六日八

六月朔四十四日二九戊申卯時

是六月戊申朔卯時日食金漏

紹定元年即金正大五年戊子歲六月壬寅朔日食金史無金有十二月庚子朔食

六月交二十刻

六月朔三十八日五五壬寅未時

十二月交一十四日一

十二月朔三十六日六八庚子申時

推是年六月壬寅朔未時日食十二月庚子朔申時日食金漏六月宋漏十二月

紹定六年即金天興二年癸巳歲九月壬寅朔日食露雲不見金無

九月交一十四日八三

推是年九月朔過交不應食金史無是



端平二年乙未歲二月甲子朔日當食不虧

二月交二十七日

二月朔三十七刻甲子辰時

是二月甲子朔辰時日食

嘉熙元年丁酉歲十二月戊寅朔日食

十二月交二十六日五

十二月朔一十四日四八戊寅午時

是十二月戊寅朔午時日食

淳佑二年壬寅歲九月庚辰朔日食

九月交五刻

九月朔一十六日五庚辰午時

是九月庚辰朔午時日食

淳佑三年癸卯歲三月丁丑朔日食

三月交一十三日九

三月朔一十三日三九丁丑巳時

是三月丁丑朔巳時日食

淳佑五年乙巳歲七月癸巳朔日食綱目無

七月交二十六日七



七月朔二十九日五九癸巳未時  
是七月癸巳朔未時日食綱目漏

淳佑六年丙午歲正月辛卯朔日食

正月交一十三日四

正月朔二十七日六辛卯未時

是正月辛卯朔未時日食

淳佑九年巳酉歲四月壬寅朔日食

四月交二十六日八

四月朔三十八日四二壬寅巳時

是四月壬寅朔巳時日食

淳佑十二年壬子歲二月乙卯朔日食

二月交二十六日三

二月朔五十一日二二乙卯卯時

是二月乙卯朔卯時日食

寶祐元年癸丑歲二月巳酉朔日食

二月交二十六日九九

二月朔四十五日七五巳酉酉時

是二月巳酉朔酉時日食



古今律曆考卷之二十一  
景定元年庚申歲三月戊辰朔日食

三月交一十三日三五日酉酉朔

三月朔四日六八戊辰未時

是三月戊辰朔未時日食酉朔日食

景定二年辛酉歲卽蒙古世祖中統二年三月

壬戌朔日食元史同綱目載二月朔

三月交一十三日九

三月朔五十八日七三壬戌酉時

是三月壬戌朔酉時日食綱目載二月朔誤

度宗咸淳元年乙丑歲卽蒙古至元二年正月

辛未朔日食

正月交一十四日

正月朔七日三三辛未辰時

是正月辛未朔辰時日食寅未朔

咸淳三年丁卯歲卽蒙古至元四年五月丁亥

朔日食

五月交二十六日八日朔古至元五年五月朔

五月朔二十三日七四丁亥酉時



是五月丁亥朔酉時日食

咸淳四年戊辰歲即蒙古至元五年十月戊寅

朔日食

十月交一十四日一五

十月朔一十四日五七戊寅未時

是十月戊寅朔未時日食

咸淳六年庚午歲即蒙古至元七年三月庚子

朔日食綱目載二月朔

三月交二十六日三五

三月朔二十六日五九庚子未時

是三月庚子朔未時日食綱目載二月朔非

咸淳七年辛未歲即蒙古至元八年八月壬辰

朔日食

八月交一十三日六六

八月朔二十八日三三壬辰辰時

是八月壬辰朔辰時日食

咸淳八年壬申歲即元至元九年八月丙戌朔

日食



古今律曆考卷之六  
八月交一十四日二七

八月朔二十二日三一丙戌辰時日食

是八月丙戌朔辰時日食

帝熈德祐元年乙亥歲即元至元十二年六月

庚子朔日食既星見鷄鶩皆歸

六月交一十三日七七

六月朔三十六日三八庚子巳時

是六月庚子朔巳時日食

端宗景炎二年丁丑歲即元至元十四年十月

丙辰朔日食

十月交二十六日五八

十月朔五十二日五四丙辰午時

是十月丙辰朔午時日食

高宗時一月食

紹興二年壬子歲二月丙子月未當闕而闕體

如食色黃白

二月交二十七日一一

二月望一十三日一三丙子夜寅時



推是年二月十四日丙子夜寅時月食宋曆誤步日出後丁丑加時在晝及寅時已見其食也乃曰月未當闕而闕體如食色黃白以爲月之變也不知月掩日而日食卽以體相掩則純黑不見日衝月而月食但月行日道頓失其光不至純黑雖推月與推日同以相掩布分數而其色則異也從來月食雖黑未甚猶帶黃白其魄輪微顯誰不見之知之而宋司天欲飾已非乃歸咎於月不當闕而闕也可乎其曰體如食則可爲誤步斷案

宋南渡凡一百五十三年書日當食不食三紹興三十一年正月甲戌朔嘉定四年十一月己酉朔端平二年二月甲子朔推紹興夜食且不入交原不當食嘉定端平二事則當食不食也春秋以來千餘年至開元始有當食不食者二宋以三百二十年日當食不食汴京二見南渡又二見何其數也若果有之則三百年日度失行四矣抑恐半係日官誤步某時候已不食及



期當食卻為雲蔽未可知也况靖康之變儀象  
隸首盡歸於金宋疇人步曆不精有之且臨安  
偏南人戴日近望日與中原不同或虧分少即  
不見其食也又况臨安陰雨十九雲蔽所不免  
乎

古今律曆考卷二十六畢

古今律曆考卷二十七

歷代日食八

陝西副憲安肅邢雲路輯徵士滿城魏文魁訂

陝西岳伯金谿王民順郡守漢陽王維祐

校

陝西副憲遷安徐雲達令尹麻城滿朝薦

歷代日食曆

元

元世祖至元十九年壬午歲六月己丑朔日食

七月戊午朔日食綱目同

七月交九刻



七月朔五十四日四五戊午巳時

推是年六月朔無戊午交二十四日有奇不入食限不應食七月戊午朔交九刻入食限是日巳時日食合何元史重載六月朔食耶從古無比食之理郭守敬論之詳矣豈以守敬十八年方定授時而不辯此此必修史者誤書之也

至元二十四年丁亥歲十月戊午朔日食

十月交一十四日七二

十月朔五十四日六戊午未時

是十月戊午朔未時日食

至元二十六年巳丑歲三月庚辰朔日食

三月交二十六日九二

三月朔一十六日三九庚辰巳時

是三月庚辰朔巳時日食

至元二十七年庚寅歲八月辛未朔日食

八月交一十四日二三

八月朔七日六三辛未申時

是八月辛未朔申時日食



至元二十九年壬辰歲正月甲午朔日食

正月交二十六日四三

正月朔三十日五二甲午午時

是正月甲午朔午時日食

至元三十一年甲午歲六月庚辰朔日食

六月交一十四日三四

六月朔一十六日三五庚辰辰時

是六月庚辰朔辰時日食

成宗大德元年丁酉歲四月朔日食見綱目史

無

四月交一十三日八五

四月朔二十九日三癸巳辰時

是四月癸巳朔辰時日食史漏

大德三年巳亥歲八月巳酉朔日食太史奏日

食不應

八月交二十六日六六

八月朔四十五日七五巳酉巳時

推是年八月巳酉朔巳時日食元太史言是日



古今律曆考卷三十一  
巳時當食二分有奇至期不食衆懼保章正齊  
履謙曰當食不食在古有之矧巳時近午陽盛  
陰微故當食不食遂考唐開元以來當食不食  
凡十事以聞然三分以下不救

大德四年庚子歲二月丁未朔日食  
二月交一十三日三六

二月朔四十三日六七丁未申時

是二月丁未朔申時日食

大德六年壬寅歲六月癸亥朔日食太史院失

於推筭詔議其罪

六月交二十六日一六

六月朔五十九日七五癸亥酉時

推是年六月癸亥朔酉時日食與天合元太史  
失於推筭詔議其罪罪之宜也

大德七年癸卯歲閏五月戊午朔日食

閏五月交二十六日七七

閏五月朔五十四日二九戊午卯時

是閏五月戊午朔卯時日食



古今律曆考卷三十一  
大德八年甲辰歲五月癸未朔日食

五月交一十七刻

五月朔四十八日五七壬子未時

推是年五月朔壬子無癸未是日未時日食史  
誤書癸未

仁宗皇慶元年壬子歲六月乙丑朔日食

六月交一十四日三一

六月朔一日七一乙丑酉時

是六月乙丑朔酉時日食

延祐二年乙卯歲四月戊寅朔日食

四月交一十三日八一

四月朔一十四日六戊寅未時

是四月戊寅朔未時日食

延祐五年戊午歲二月癸巳朔日食

二月交一十三日三二

二月朔二十九日〇一癸巳子時

推是年二月癸巳朔子時夜食不書元史誤夫  
以郭守敬方定授時曆稱最密今以授時推差



至夜子不合查守敬卒於元祐三年卒才二年耳乃疇人習曆不熟遂爾誤布也

延祐六年己未歲二月丁亥朔日食

二月交一十三日九三

二月朔二十三日三五丁亥辰時食

是二月丁亥朔辰時日食

延祐七年庚申歲正月辛巳朔日食

正月交一十四日五四

正月朔一十七日四一辛巳巳時

是正月辛巳朔巳時日食

英宗至治元年辛酉歲六月癸卯朔日食

六月交二十六日七四

六月朔二十九日五八癸卯未時

是六月癸卯朔未時日食

至治二年壬戌歲十一月甲午朔日食

十一月交一十四日

十一月朔三十日六八甲午申時

是十一月甲午朔申時日食



泰定帝泰定四年丁卯歲九月丙申朔日食

九月交一十四日七七

九月朔三十二日四八丙申午時

是九月丙申朔午時日食

文宗天曆二年己巳歲七月丙辰朔日食

七月交一十三日六六

七月朔五十二日三七丙辰辰時

是七月丙辰朔辰時日食

至順二年辛未歲八月甲辰朔日食十一月壬

申朔日食

八月交一十九日五

十一月交二十六日四七

十一月朔八日六四壬申申時

推是年八月甲辰朔交泛一十九日有奇不入

交不應食十一月壬申朔申時日食合夫日月

凡六月一交無八月至十一月才隔三月兩交

之理郭太史論之詳矣何史載之誤耶無乃疇

人亂布失其真也



順帝元統二年甲戌歲四月戊午朔日食

四月交一十四日三九

四月朔五十四日三八戊午巳時

是四月戊午朔巳時日食

至元二年丙子歲八月甲戌朔日食

八月交二十七日一九

八月朔一十日三九甲戌巳時

是八月甲戌朔巳時日食

至元三年丁丑歲二月壬申朔日食

二月交一十三日八九

二月朔八日六八壬申申時

是二月壬申朔申時日食

至元四年戊寅歲八月朔日食見綱目史無

八月交六日二

八月朔五十九日七一

推是年八月朔過交不應食史不書食是綱目

非

至正二年壬午歲八月朔日食十月朔日食見



綱目

八月交八日二

十月交六十二日九

十月朔三十五日五二巳亥午時

推是年八月朔交泛八日不入食限不應食十

月巳亥朔午時日食八月史無是綱目非十月

綱目是史漏夫日月六月一交是年十月食是

矣八月僅隔二月安得有食此綱目之誤載也

至正三年癸未歲四月丙申朔日食

四月交二十六日八二

四月朔三十二日三丙申辰時

是四月丙申朔辰時日食

至正四年甲申歲九月丁亥朔日食

九月交一十四日一二

九月朔二十三日四五丁亥巳時

是九月丁亥朔巳時日食

至正五年乙酉歲九月朔日食見綱目史無

九月交一十四日七三



古今律曆考卷三十一  
九月朔一十八日八一戌時

推是年九月戌初刻合朔日食則酉猶見其初

虧

至正六年丙戌歲二月朔日食見綱目史無

二月交二十六日三二

二月朔四十六日六一庚戌午時

是二月庚戌朔午時日食史漏

至正七年丁亥歲正月朔日食是日大寒而風

朝官什者數人見綱目史無

正月交二十六日九三

正月朔四十四日四九甲辰巳時

是正月甲辰朔巳時日食卽綱目載是日大風

寒朝官什可見是日救日群臣親覩其食矣何

元史漏而不書耶

至正八年戊子歲七月朔日食見綱目史無

七月交一十四日二四

七月朔三十二日二四丙申卯時

是七月丙申朔卯時日食史漏



至正九年己丑歲十一月朔日食見綱目史無

十一月交二十六日四四

十一月朔五十四日〇二戊午子時

推是年十一月戊午朔子時夜食不書史無是

綱目誤

至正十年庚寅歲十一月壬子朔日食

十一月交二十七日

十一月朔四十八日六三壬子申時

是十一月壬子朔申時日食

至正十一年辛卯歲五月朔日食見綱目史無

五月交一十三日七四

五月朔四十五日一九己酉寅時

推是年五月己酉朔寅正刻合朔日食則日出

猶見其虧

至正十二年壬辰歲四月朔日食見綱目史無

閏四月交一十四日五五

閏四月朔三十九日七三癸卯酉時

推是年閏四月癸卯朔酉初刻日食史漏綱目



古今律曆考卷三十一  
書四月亦非

至正十三年癸巳歲九月乙丑朔日食

九月交二十六日五五

九月朔一日三八乙丑巳時

是九月乙丑朔巳時日食

至正十四年甲午歲三月癸亥朔日食

三月交一十三日二五

三月朔五十九日六四癸亥申時

是三月癸亥朔申時日食

至正十七年丁酉歲正月朔日食見綱目史無

正月交一十二日七五

正月朔一十二日三九丙子巳時

是正月丙子朔巳時日食史漏

至正十八年戊戌歲六月戊辰朔日食十二月

乙丑朔日食

六月交二十七日日二七

六月朔四日三六戊辰辰時

十二月交一十三日九七



十二月朔一日四三乙丑巳時

是六月戊辰朔辰時日食十二月乙丑朔巳時

日食

至正二十年庚子歲五月朔日食見綱目史無

五月交二十六日一七

五月朔二十三日一一丁亥丑時

推是年五月丁亥朔丑正刻合朔夜食不書史

無是綱目非夫既不食矣胡氏斷以為天完微

弱陳友諒弒徐壽輝之應變不虛生義何取焉

至正二十一年辛丑歲四月辛巳朔日食

四月交二十六日七八

四月朔一十七日六八辛巳申時

是四月辛巳朔申時日食

至正二十四年甲辰歲八月朔日食見綱目史

無

八月交一十二日九八

八月朔二十八日三一壬辰辰時

是八月壬辰朔辰時日食史漏



古今律曆考卷之十一  
至正二十六年丙午歲七月辛巳朔日食

七月交一十四日二

七月朔一十七日五一辛巳午時

是七月辛巳朔午時日食

至正二十七年丁未歲六月朔日食見綱目史  
無十二月癸卯朔日食見史綱目無

六月交一十二日四九

六月朔四十一日九七乙巳夜子初刻

十二月交二十六日四

十二月朔三十九日二五癸卯卯時

推是年六月乙巳夜子合朔夜食不書史無是

綱目非十二月癸卯朔卯時日食史書是綱目

漏

元初郭守敬造授時曆最近密傳之日官終元  
之世日官布筭日食多漏者有非其日者甚至  
延祐五年二月朔之夜食至順二年八月朔之  
不入交亦誤書食以授時推乃正則豈守敬之  
誤皆疇人之不善用法也在昔且然况愈遠而



愈失其真耶

余自漢以來一一推歷代日食為考其果食與否以備證驗耳故但推其合朔在晝時則不復詳其時差之分秒惟疑難者乃詳推焉

古今律曆考卷二十七畢

古今律曆考卷二十八

藏經一

陝西副憲安肅邢雲路輯徵士滿城魏文魁訂

陝西岳伯金谿王民順郡守漢陽王維祐

校

陝西副憲遷安徐雲逵令尹麻城滿朝薦

藏經考

佛藏

佛說東南西北各八天中須彌山頂一天共三十三天自四大天王天至大梵天各有千天有千三十三天是名小千世界乃至二千三百



古今律曆考卷三十一  
億日月一佛有百億四天下是名三千大千世界閻浮境十萬八千須彌四面各廣長三四十萬里頂上忉利天上釋提桓各廣長二三百萬里四天王居須彌四埵皆高四萬二千由旬以人間五十歲爲天一日亦以三十日爲月十二月爲歲五百歲卽人間九百萬歲觀世音菩薩現身長八十萬億那由他由旬以須彌之高廣納芥子中無增減須彌山本相如故以四大海水入一毛孔不燒大海本相如故演七日以爲

一劫促一劫以爲七日十方日月星宿見於一毛孔中此皆佛之寓言也說閻浮境界十萬八千里比人有十萬八千塵勞夢想其實本來面目一無所有故說須彌納一芥曠劫入一息猶中國言詩大言小言之譬言道大無外小無內之意非謂真有百億天百億日月也

風輪能持水輪水輪能持大地今不壞散是故說地輪依水輪水輪依風輪風輪依虛空虛空無所依雖無所依能令三千大千世界而得安



住此亦佛之寓言也言地水火風乃人之四大風之所以鼓動卽火故說火風水輪持大地非謂天地五行合如此也

佛說四大洲所謂東勝身洲卽弗婆提南瞻部洲卽閻浮提西俱耶尼洲卽瞿陀尼北俱盧洲卽鬱單越四洲遶蘇迷山卽須彌山閻浮提日中時東方弗婆提便冥西方瞿陀尼則初出北方鬱單越則夜半瞿陀尼日中閻浮提卽冥鬱單越初出弗婆提夜半也鬱單越弗婆提日中

餘出沒亦然是言須彌山高日明於此隱於彼此人原是一心積爲三界乍明忽滅如爲須彌四面遮蔽然須轉輪無礙乃得解脫皆寓言也非謂天地之中真有須彌日之行度真在須彌四圍環繞四方出沒四視平等之致

文始傳云天去地四十萬九千里日月直度各三千里周迴去千里天地午子相去九千萬萬里濟苦經云崑崙山高一萬五千里文始傳又云日月周圍六千里徑三千里夫文始云天去



古今律曆考卷之十八  
地四十萬九千里則子午徑宜八十一萬八千里而乃云相去九千萬萬里多八千九百九十九萬九千九百一十八萬二千里矣云日月直度各三千里則周迴宜九千里乃止云一千里少八千里矣又云日月周圍六千里則徑止宜二千里而乃云三千里多一千里矣均之文始傳也一曰日周千里又曰日周六千里何自相背也化胡云崑崙山九重重相去九千里山有四面面有一天故四九三十六天第一重帝釋

居之今據濟苦崑崙高一萬五千里化胡崑崙九重重高九千則高八萬一千而言萬五千者少六萬五千里矣亡論諸經所說之乖舛將使天地日月之高下宜何從焉佛道經假作者多此其假者也

竺乾書說阿耨山即崑崙也一名須彌訛呼蘇迷在于闐國西一千三百餘里東南接西涼酒泉地遠山則香山雪山也佛生遊履雪山中國在崑崙東南天竺諸國在正南黃河在崑崙東



古今律曆考卷三十一  
南卽佛經無熱地東有銀牛口出殍加河卽恒  
河山頂有阿耨大池其水分流四面去入中國  
者爲黃河入東海其三面各入南西北海如弱  
水黑水之類大抵地之形如饅頭其撚尖則崑  
崙也此言是

佛諸國篇云五印度之境周九萬餘里三垂大  
海北背雪山北廣南狹形如半月劃野區分七  
十餘國時特暑熱地多泉濕成光子曰中天竺  
國東至震旦五萬八千里南至金地國西至阿

拘遮國北至小香山阿耨達亦各五萬八千里  
約天上一寸地下千里僧慧嚴入中國何承天  
問曰佛國用何曆答曰天竺夏至之日日正中  
時豎晷無影所謂天中於五行土德色尚黃數  
尚五八寸爲尺十兩當此土十二兩建辰之月  
爲歲首及計數分至推效薄蝕顧步光影其法  
甚詳宿度章紀咸有條例後婆利國人來果同  
嚴說夫云夏至豎晷無影中國衡嶽豎晷無影  
則天竺與衡嶽東西正相對也衡嶽北極出地



二十五度夏至晝五十六刻夜四十四刻嶽臺  
北極出地三十五度夏至晷景一尺四寸八分  
晷六十刻夜四十刻衡嶽比嶽臺北極低十度  
晷景差一尺四寸八分而晝至短四刻是去極  
二度半短一刻晷影三寸七分短一刻也雖割  
圓高下分釐稍有不齊而大約分數則無差也  
天竺與衡嶽對其晷刻亦猶是矣此說天竺四  
至各以幾萬里計而晷與中國略同可較是可  
破諸經天目須彌億萬里之妄合五萬人

稻稗經言月去地四萬二千由旬一由旬四十  
里共一百六十八萬里文始言天去地四十萬  
九千里則月不反高於天一百一十九萬里之  
多耶

唐不空三藏翻譯文殊菩薩及諸仙所說吉凶  
時日善惡宿曜經言天地初建寒暑之精化爲  
日月分宿設宮管標群品日理陽位從星宿順  
行取張翼軫角亢氏房心尾箕斗牛女等一十  
三宿迄至虛宿之家恰當于地之中分爲六宮



也但日月天子俱以五星臣佐而日光熾猛以陽獸獅子爲宮神月光清涼以陰蟲巨蟹爲宮神日與月各以神宮均賜五星以速至遲卽辰星太白熒惑歲鎮排爲次第緩急於斯彰焉凡十二宮卽七曜之躔次各有神形一切庶類相感月廣五十由旬日廣五十一由旬太白廣十由旬歲星廣九由旬辰星廣八由旬熒惑廣七由旬土星廣六由旬星最小者廣一俱虛舍第一星四足張四足翼一足在午太陽位焉其神

如獅子故名獅子宮第二翼三足軫四足角二足在巳辰星位焉其神如女故名雙女宮第三角二足亢四足氐三足在辰太白位焉其神如秤故名天秤宮第四氐一足房四足心四足在卯熒惑位焉其神如蝎故名天蝎宮第五尾四足箕四足斗一足在寅歲星位焉其神如弓故名人馬宮第六斗三足女四足虛二足在丑鎮星位焉其神如摩羯故名摩羯宮巳上六位屬太陽分巳下六位屬太陰分第七虛二足危四



足室三足在子鎮星位焉其神如餅故名寶瓶  
宮第八室一足壁四足奎四足在亥歲星位焉  
其神如魚故名雙魚宮第九婁四足胃四足昴  
一足在戌熒惑位焉其神如羊故名白羊宮第  
十昴三足畢四足觜二足在酉太白位焉其神  
如牛故名金牛宮第十一觜二足參四足井三  
足在申辰星位焉其神如夫妻故名陰陽宮第  
十二井一足鬼四足柳四足在未太陰位焉其  
神如蟹故曰巨蟹宮昴六星畢五星觜三星參

一星井二星鬼三星柳六星星六星張二星翼  
二星軫五星角二星亢一星氐四星房四星心  
三星尾二星箕四星斗四星牛三星女三星虛  
四星危一星室二星壁二星奎三十二星婁三  
星胃三星二二月為角月三月為氐月四月為心  
月五月為箕月六月為女月七月為室月八月  
為婁月九月為昴月十月為觜月十一月為鬼  
月十二月為星月正月為翼月此其十二宮分  
與中國皆同但其星數與中國有多少之異五



古今律曆考卷三十一  
星遲速與中國亦同二月爲角月云云者以斗  
指卯位之辰亦與中國同至於所占星直月日  
與大命之吉凶則與中國異蓋其方俗之殊也  
夫周天二十八宿旣與中國皆同而又曰虛宿  
恰當子地之中則虛爲正北也曰日廣五十一  
由旬一由旬四十里則日廣凡二千餘里也中  
國視虛爲正北量日約亦千餘里皆合矣此佛  
說之經宛然一渾天儀卽中國之曆也而乃謂  
有幾千天百萬億日月高廣幾十萬億里東方

日中西方初出諸說均之佛說也而自相背若  
是則千天萬日等說非寓言而何

大方等大集經雪山光味仙人白世尊佛言二  
十八宿日月隨行一切衆生日月年歲皆悉繫  
屬瞿曇東方七宿謂角亢氐房心尾箕若人生  
日屬角宿者口闊額高多財多智多有妻子壽  
八十四長子不壽屬亢星者聰明富貴樂欲出  
家壽六十四指有瘡癥其氐房心尾箕若南方  
井鬼柳星張翼軫西方奎婁胃昂畢觜參北方



古今律曆考卷三十一  
斗牛女虛危室壁各宿生人者其相貌壽夭吉凶各有不同若有通達如是相書到於彼岸瞿曇佛言衆生亦有同屬一星生者而有富貴貧賤參差是故我知是不定法是世尊之言是而光味之言非也

大乘大方等日藏經言星宿數與形狀多與曆不合吉凶避忌亦無的據日午脚跡之影亦無圭表之數五緯所主之月亦不合曆行度虛胎所載宿曜亦差

大方等大集月藏分中星宿攝受品四天王等白佛言諸宿曜各有所主一者角宿主於衆鳥二者元宿主於出家求聖道者氐房至翼軫通二十八宿各有所主不同亦時佛告梵王等言于摩國陀樓等國共十二國角宿攝護阿羅茶等共十國亢宿攝護氐房至翼軫通二十八宿所攝國數多少不一此佛國以彼中之天步彼中分野與中國不同  
佛國日月熒惑辰星歲星太白鎮星是爲七曜



古今律曆考卷三十一  
歲星者於十二歲始一周天鎮星者二十八歲  
乃一周天太白歲半始一周天熒惑二歲始一  
周天辰星一歲乃一周天凡歲三百六十五日  
日一周天月三十日乃一周天此是七曜周天  
數法大略與中國同惟太白亦歲一周天而佛  
以爲歲半非

大唐西域記三藏法師玄奘譯言夫數量之稱  
謂踰繕那古聖王一日軍行也卽一由旬四十  
里印度國俗乃三十里聖教所載唯十六里窮

微之數分一踰繕那爲八拘盧舍拘盧舍者謂  
大牛鳴聲所極聞一拘盧舍爲五百弓分二拘  
盧舍名一聲爲千弓分一弓爲四肘分一肘爲  
二十四指十二指名毗多悉提分一指節爲七  
宿麥乃至一虱一蟣一牛毛一羊毛一兔毫一  
塵一細塵次第七分以至一極細塵極細塵者  
不可復析析卽歸空故曰極微也若乃陰陽曆  
運日月次舍稱謂雖殊時候無異隨其星建以  
標月名時極短者謂刹那也百二十刹那爲一



古今律曆考卷三十一  
但刹那六十但刹那爲一臘縛三十臘縛爲一  
牟呼栗多五年呼栗多爲一時六時合成一日  
一夜晝三夜三居俗日夜分爲八時晝四夜四  
一時各有四分月初一盈至十五滿謂之白月  
分月十六虧至月盡晦謂之黑月分或十四日  
十五日月有小大故也遇小月謂之減夜減一  
日也黑前白後合爲一月六箇月共合爲一行  
日遊在內北行也日遊在外南行也摠此二行  
合爲一歲又分一歲以爲六時正月十六日至

三月十五日漸熱也三月十六日至五月十五  
日盛熱也五月十六日至七月十五日雨時也  
七月十六日至九月十五日茂時也九月十六  
日至十一月十五日漸寒也十一月十六日至  
正月十五日盛寒也如來聖教歲爲三時正月  
十六日至五月十五日熱時也五月十六日至  
九月十五日雨時也九月十六日至正月十五  
日寒時也或爲四時春夏秋冬也春三月謂制  
旦邏月吠舍佉月逝瑟吒月當此從正月十六



日至四月十五日夏三月謂頽沙茶月室羅伐  
孛月婆達羅鉢陀月當此從四月十六日至七  
月十五日秋三月謂頽濕縛度闍月迦刺底迦  
月末伽始羅月當此從七月十六日至十月十  
五日冬三月謂報沙月磨祛月頗勒窣孛月當  
此從十月十六日至正月十五日故印度僧徒  
依佛聖教坐兩安居或前三月或後三月前三  
月當此從五月十六日至八月十五日後三月  
當此從六月十六日至九月十五日中國節氣

與印度遞爭半月中國以二十九三十爲大小  
盡卽印度以十四十五爲大小盡中國之十六  
日乃印度初一日也昔人嘗記結夏之制宜如  
西域用四月十六日蓋四月十六日乃印度之  
四月盡也其數皆明

大智度論日月歲節者日名從旦至旦初分中  
分後分夜亦三分一日一夜有三十時春秋分  
時十五時屬晝十五時屬夜餘時六增六減五  
月至晝十八時夜十二時十一月至夜十八時



晝十二時一月或三十日或三十日半或二十九日或二十七日半有四種月一者日月二者世間月三者月月四者星宿月日月者三十日半世間月者三十日月月者二十九日加六十二分之三十星宿月者二十七日加六十七分之二十一閏月者從日月世間月二事中出是名十三月或十二月或十三月名一歲是歲三百六十六日周而復始菩薩知日中分時前分已過後分未至中分中無住處無相可取日分

空無所有到三十日時二十九已滅和合成月和合而為歲故佛菩薩能知世間日月歲和能知破散無所有是名巧分別是名菩薩摩訶薩夫佛國每日三十時即中國十二時春秋分晝夜各十五時六月一增減五月十一月晝夜各長短三分之一即中國之二分二至也日月三十日半中國之正氣也世間月三十日中國盈虛之中也月月二十九日加六十二分之三十中國之月策也星宿月二十七日加六十七分



之二十一中國之交終也閏月從日月世間月  
 出中國之氣盈朔虛積而為閏也中分無住處  
 和合成月中國之無中氣為閏月也六十二分  
 之三十為四十八刻三十八分七十秒以加於  
 二十九日下共二十九日四十八刻三十八分  
 七十秒為佛國月策較中國月策少四刻有奇  
 六十七分之二十一為三十一刻三十四分三  
 十二秒以加於二十七日下共二十七日本三十  
 一刻三十四分三十二秒為佛國交終較中國  
 交終多十刻有奇中西地里不同而曆之小異  
 者止在刻數其大約則皆同佛國之天猶中國  
 之天也明矣

九執曆出西域唐開元六年詔太史監瞿曇悉  
 達譯之斷取近距以開元二年二月朔為歲首  
 西域首卯取陰陽交之始也度法六十月有二  
 十九日餘七百三分日之三百七十三曆首有  
 朔虛百二十六周天三百六十度無餘分日去  
 沒分九百分度之十三三十度為相十二相而



古今律曆考卷之五  
周天望前曰白博義望後曰黑博義其筭皆以  
字書不用籌策九執朔虛沒分與中國不同氣  
朔不同故也九執月策餘七百三分日之三百  
七十三爲五十三刻五分八十三秒以加於二  
十九日下共二十九日五十三刻五分八十三  
秒與中國月策近密以視大智度論月策二十  
九日四十八刻三十八分七十秒則大智度月  
策爲疎

西域星經月孛紫炁羅喉計都星家謂之四餘  
計生于天尾羅生于天首孛生于月炁生于閏  
蓋日月行道如兩環相交一處曰天首一處曰  
天尾天尾爲計天首爲羅月之行遲速有常度  
遲之處卽孛也炁生于閏二十八年十閏而炁  
行一周炁孛皆有度數無光象故與計羅同謂  
之四餘今中國用之  
泥洹經佛告迦葉言人間六月一蝕衆星晝日  
不見其實不沒又言月天子欲瞰日天子佛說  
羅喉羅疾放月云六月一蝕卽天首至交中至



天尾各六月之謂云星晝不見日光所射故也  
羅睺瞰日即日食於天首佛云疾放即中國救  
日之義

佛運統紀周昭王二十四年甲寅歲四月八日  
中天竺國淨梵王妃摩耶氏生太子悉達多至  
年十九壬申歲二月八日夜半出家成釋迦牟  
尼佛東晉沙門法顯嘗至天竺摩竭提國見城  
邑人民以建卯月八日華香供養請佛周以子  
月爲正月四月是建卯之二月也二月則建丑

之十二月今人以夏正四月爲佛生日非

宿曜經黑月白月皆以一日三日五日七日九  
日十一日十三日爲吉祥日所向皆成就是知  
佛國之尚奇日也

僧史略佛法本傳西域十二月三十日爲正月  
望謂之大神變日漢明帝令是日燒燈表佛法  
大明無味

佛國正五九月天帝釋鏡照南瞻部洲故禁刑  
罰今中國官員於此三月內不到任無味



國朝洪武初收元圖籍命西域人海峇兒等擇天文陰陽曆象譯之譯出回回曆以西域阿剌必年卽開皇十九年己未歲爲元至洪武甲子計積七百八十六筭周天十二宮每宮三十度共三百六十度十二宮日數不同共三百六十五日爲不動的月若遇宮分有閏之年於亥宮又添一日十二月單月大雙月小共三百五十四日爲動的月若遇月分有閏之年於十二月內又添一日凡三十年閏十有一月歷千九百

四十二年而宮月甲子再會其術欽天監見存有回回科習之所步日食與中華曆分數不同夫以中西之遠而以法相校交蝕止是分數不同非大相徑庭也而佛經乃言南方日中西方方日出東方則日沒故以此可證其言之非

白羊戌宮三十一日	金牛酉宮三十一日
陰陽申宮三十一日	巨蟹未宮三十二日
獅子午宮三十一日	雙女巳宮三十一日
天秤辰宮三十日	天蠋卯宮三十日



人馬寅宮二十九日

磨羯丑宮二十九日

寶瓶子宮三十日

雙魚亥宮三十日

第一月大名法而

第二月小名阿而的

第三月大名虎而達

第四月小名提而

第五月大名木而達

第六月小名沙合

第七月大名列

第八月小名阿班

第九月大名阿

第十月小名答亦

第十一月大名八

第十二月小名亦思番

佛家天樂等類乃化境也於律不協故不錄

道藏

道經上列三清下分五太三清在三十六天之  
上玉清聖境元始所居上清真境太上道君所  
居太清仙境老君所居五太者太質界內有天  
地玄黃之色太質之外太空太空之外太無太  
無之外太虛併天地玄黃為五太豈天果有是  
三五之所皆寓言也蓋三清以比人之三田上  
田心火中田脾土肺金肝木下田腎水五太亦  
以比人之五行云



古今律曆考卷二十八  
高上太霄琅書瓊文帝章經云九天元始號第一  
一天名鬱單无量天去第二天二十四里第二  
天無量壽天去第三天四千六百萬里第三梵  
監天去第四五六七八天以至第九大梵天各  
幾千百萬里不等去下共五百億二十萬里此  
九天是始氣之精衆真帝皇所治其天別置三  
天三天者皆是九天之別號三九二十七併九  
天共三十六天也此與佛經諸天太半相同皆  
荒唐之言

道言太上靈寶先天地而生然後有天地數起  
於一立於三成於五盛於七極於九故天去地  
九萬里崑崙爲地柱氣上通崑崙者地之中崑  
崙直東西南北各一億萬餘里日月徑止千里  
周三千里洞真放品經曰地有九壘第一地去  
天九十億萬里第九地去天五百三十億萬里  
洞真黃氣陽精經曰縱廣二千四十里月縱廣  
千九百里靈寶天尊云日圍千里月圍一千二  
百里夫既曰天去地九萬里則東西南北亦皆



九萬里而崑崙四直則皆一億萬餘里何以相  
容又謂第一地去天九十億萬里第九地去天  
五百三十億萬里不太懸絕乎既曰日徑千里  
周三千里似矣而何以又曰日縱廣二千四十  
里日圍千里也既曰月縱廣千九百里則圍宜  
二千七百里而何以曰月圍千二百里也夫均  
此天也此日月也均之天尊所說也忽然而多  
忽然而少此是則彼非乃天尊言天亦有非耶  
天尊不知天何以爲天尊

洞玄靈寶諸天世界造化經道言我在玄化之  
前故有太上號見彼崑崙山王以金銀琉璃水  
精作之上高三百三十六萬里下有大海圍之  
深亦三百三十六萬里廣亦三百三十六萬里  
地深二十億萬里次下有地亦深二十億萬里  
次下有粟金二十億萬里次下有剛鐵二十億  
萬里次下有水深八十億萬里次下有火風深  
厚五百二十億萬里以是大風持地不使有墮  
落地浮水上水浮風上其下大空此言非也天



體周圍不過數十萬里此可以表測而得者非  
 懸空之說也天周數十萬而地與崑崙在天內  
 乃上下有幾百億萬里則何以相容無乃道君  
 未嘗到玄化前不曾見崑崙王耶若曾見則不  
 應有此說  
 道言元始天尊召來天真時諸天日月星宿璇  
 璣玉衡一時停輪豈有天行健也而乃停輪蓋  
 寓言也謂人心為璇衡兩目為日月天尊說法  
 則人心目俱定萬化停聞耳

天尊曰正北位居中一炁生水萬物皆因水而  
 生故北斗居中天第一貪狼星第三祿存星為  
 東斗主筭第二巨門星第四文曲星為西斗記  
 名第六武曲星正居本位為北斗落死第五廉  
 貞星為南斗上生第七破軍星正居中位為中  
 斗大魁總監眾靈周回指十二辰又度人經言  
 五斗東斗角亢氏房心尾箕北斗斗牛女虛危  
 室壁西斗奎婁胃昂畢觜參南斗井鬼柳星張  
 翼軫中斗貪巨祿文廉武破其言二十八宿即



古今律曆考卷三十八  
天四圍經星云指十二辰則曆家斗柄指十二節之說也

經言九統者初以始青之光炁開始青之天疑太霄之宮於東北次以太青之光炁開太青之天疑青霄之宮於東方次以始丹之光炁開始丹之天疑碧霄之宮於東南次以太丹之光炁開太丹之天疑絳霄之宮於南方次以始素之光炁開始素之天疑景霄之宮於西南次以太素之光炁開太素之天疑玉霄之宮於西方次

以始玄之光炁開始玄之天疑琅霄之宮於西北次以太玄之光炁開太玄之天疑紫霄之宮於北方太梵之天神霄之宮則其居中也西北爲天門東南爲地戶西南爲人門東北爲鬼路是其四方之氣東青南赤西白北黑按四方之色也天門地戶人門鬼路之說則出先天乾鑿度文

道藏載夜半換日出及晦朔換月符呪敕令皆持有法是乃佐軍中變幻之用者則史載日夜



出等變或係幻術所致未可知也

歷世真僊體道通鑑載陶弘景推漢熹平二年丁丑冬至加時在日中而先天實以乙亥冬至加時在夜半凡差三十八刻是漢曆後天二日十二刻也以授時推熹平二年冬至分一十三日三十九刻五十分得甲戌日巳初二刻冬至陶弘景推乙亥夜半三十八刻乃乙亥日巳初初刻冬至後天一日漢曆丁丑日日中冬至後天二日餘矣所以是年漢曆推十二月癸酉晦日

食而不知實是熹平三年正月朔日食也

道經比佛經僞書尤多如張道陵等所撰諸經多屬僞作且太半抄謄佛經改換頭面以此言天宜乎不合

道言龍漢元年爲開天之始古來無年號至漢武帝始有年號然則龍漢元年是誰記之耶道經載律曆諸數多係抄錄儒書者故不必議



先帝啟... 誰言... 天宜... 不合...

古今律曆考卷二十八畢



3



